

Otvoren Drugi gastro eko-festival

Hrana sa sevdahom

Hrana sa sevdahom, naziv je Drugog gastro eko-festa, koji je otvoren jučer na Trgu oslobođenja - Alija Izetbegović u Sarajevu. Svoje proizvode će do 26. aprila predstaviti oko 40 izlagača iz cijele BiH, a posjetioci Festivala mogli su degustirati specijalitete koje su pripremali sarajevski kulinari. Organizatori, ekološka nevladina organizacija "Dio srca" sa partnerima iz Asocijacije organskih proizvođača BiH, prilikom otvara-

nja, naglasili su značaj održavanja ovog festa.

- Jedan od ciljeva je čuvanje tradicionalnih vrijednosti, pa otud i naziv festa. Izlagači su proizvođači prirodne hrane, a želimo također skrenuti pažnju o potrebi vođenja računa šta unosimo u naš organizam, kazala nam je Samira Katica - Arnautović, direktorica Festivala.

Narodne običaje, igre i pjesme iz naše zemlje jučer su predstavili članovi KUD-a Ha-



Proizvode će predstaviti 40 izlagača iz cijele BiH

Foto: S. GUBELIĆ

rauzi iz Vareša, a svoj program su izvela i kulturno-umjetnička društva iz Goražda i Sarajeva. Sutra će biti održana prezentacija bosanskog lonca, čiji je cilj da se predstavi koje se sve na-

mirnice koriste za ovo jelo, kako se pravi, dok je uručenje zahvalnica učesnicima zakazano u nedjelju u 11 sati, čime će Drugi gastro eko-fest biti završen.

E. H.